

經世文續編

皇朝經世文續編卷一百七目錄

洋務七 邦交四

邊海論下篇

張自牧

論交涉

李東沅

論俄羅斯條約疏

郭嵩燾

小國換約 中西紀事

中俄天津和約十二條 咸豐八年五月

中俄續增條約十五則 咸豐十年十月

中法通商新約十九條 光緒十二年三月

琉球小志跋

姚文棟

容馬相伯書

姚文棟

[illegible]

皇朝經世文編編卷一百七

上海萬士潛子源輯

洋務七 邦交四

瀛海論下篇

張自牧

客難曰八紘嚮懷胥受憲於明堂九譯睢盱詎抗稜於華夏姦人既導以僭竊志士發憤於倒懸堂堂中國顧無喋喋佔佔乎曰通商條約載外國使臣入覲拜 大皇帝同治甲三三遣使出洋見其國主進退三鞠躬而已蓋入境問俗禮從其宜我有拜跪之禮故彼來則從我之俗彼無拜跪之禮故我往則從彼之俗本無所謂詘也肅望之曰荒服來服無常宜待以客禮讓而不臣班固曰接之以禮屬縻不絕使曲在彼蓋古帝王之待外國但論事理之曲直不責儀文之隆殺也

國初通書日本通使俄羅斯皆不列其國於朝貢之班殆深得讓而不臣之義釋羅刹之俘受土扈之附始深得使曲在彼之義可爲萬世法已

客又難曰鑾輿久蓄金繪葉證實勞粟絹千蘭出物敢阻僧無厭之求流離離庭奪閭閻有恒之業關市之通殆尼閭之漏也曰前代邦交有所謂歲幣者今無是也自通商以來海關之稅日增漸至千數百萬

兩有裨於度支者非淺鮮矣夫豈漢宋所可擬乎至於市舶之來中國經茶鹽餉所及繼遷之盛亦前代所罕聞但見其益未見其損惟印度以蠶粟蠶我卽外國亦羣斥其非矣說者謂阿芙蓉之毒能使勤者惰強者弱厚者漓廉者貪馴而致之將使中國強毅果敢之氣日漸消磨而俯首聽命於人南洋印度之遭吞噬皆先以此餌之故不勞而得漏卮之說其小焉者也卽以漏卮言之今中外歲漏千萬金出洋而商民未覺其困者以絲茶所貨足以相當耳近年日本印度南洋羣島皆務植茶及蠶桑之利蠶桑而不能如華絲之精近則東洋漸能講求矣光緒元年意大利於昔昔里島植茶數十年後外洋絲茶足以自給中國將有坐困之勢此漏卮之所以不得不塞也誠宜明著爲令凡嗜煙者不得登仕版列士籍隸軍伍責成各都院督撫學政提鎮嚴察所屬誠使朝無嗜煙之官學無嗜煙之士軍無嗜煙之兵其餘農工商賈則姑歸之不動聲色而其風可自息此其權操之在我而不必期之於人者也內訛自植蠶粟或謂姑藉以敵洋產究竟種種硃說以代菽粟如之何

其可也

客又難曰言語不迫則情志難平也嗜欲不同則趨向莫測也華夷交錯草野致誠於雕題主客相猜闌閹何悅乎彈指詞鋒毒涎之可畏羅刹拚面而懷慚理有固然勢惡容已曰綏遠之道先求所以安之彼去國遠來誠欲世世昌樂永保其利斷無陵我之心乃或者無端而縱恣之使日長其驕奢又或者無端

而斷與之使日即於疑忌則處之者未能得其平也漢文帝與單于書曰天不頗覆地不偏載使兩國之民若一家子元元萬民下及魚鼈上及飛鳥踐行喙息蠕動之類莫不就安利避危殆故來者不止天之遺也古之帝王約分明而不食言於戲此文帝之所以爲文也與當讀 高宗諭刑部議英商囑獄諭有伏見 聖心公平臨疑必當而燭微見遠若豫知百年後之有洋務者可不敬讀而深思乎詩曰惟此聖人瞻言百里乾隆四十一年十一月二十四日奉 上諭刑部奏駁李質穎咨稱革監倪宏文賒欠英吉利國夷商囑等貨銀萬餘兩無還問擬杖責未協議將倪宏文改擬杖流監追一案已依議行並明降諭曾將李侍堯申飭李質穎交部察議令將倪宏文查產變抵仍勒限一年監追再照部議發遣如該犯限滿不完卽令該省督撫司道及承辦此案之府州縣官於養廉內照數攤出并傳朕旨賞給該夷商收領歸國以示體恤矣此等夷商佔舶買越重洋本因覓利而至自應與之公平交易使其捆載而歸方得中體大體若過內地奸民設局誑騙致令資本兩虧尤當如法訊究乃李質穎僅將該犯擬以薄懲而欠項則聽其自行清結所謂有斷無追竟令外洋孤客買屈無伸豈封疆大臣懲惡綏遐之道幸而刑部奏駁朕始得知其詳爲之更正若部臣亦依樣葫蘆照覆其錯謬尙可問乎中國撫馭遠人全在秉公持正令其感而生畏方合政經若平時視之如草芥任聽地棍欺陵而有事鳴官又復袒護民人不爲清理彼既

不能赴京控訴徒令蓄怨於心歸而傳語島夷豈不輕視督撫鄙而笑之且或慮粵商奸惡至呼籲仍復成空將來皆裹足不前洋船稀至又復成何事體且朕此番處置非祇爲此事蓋有深慮漢唐宋明之末季多昧於柔遠之經當其弱而不振則忽而虐侮之及其強而有事則又畏懼而調停之姑息因循卒致釀成大釁而不可救藥之敗明之亡皆坐此病更不可不引爲殷鑒也方今國家全盛諸屬國震懾威懷自不敢稍生異志然思患預防不可不早杜其漸英吉利夷商一事該督撫以爲錢債細故輕心掉之而不知其關係甚大所謂涓涓不息將成江河者也朕統御中外一視同仁如內札薩克諸藩恭順誠服其輩行本小朕皆撫若兒孫每至必歡欣踴躍與舊滿洲蒙古之執役無異而新附之準夷回部年班來者朕亦必聯之以情待之以禮厚其餼賚而遣之衆亦莫不懷德戴恩幾與內札薩克相等皆內外臣所共知者卽如伊犁與哈薩克貿易一節辦理亦須妥習或哈薩克所驅至者亦不皆善馬原不妨如法擇而取之若旣是可用之馬卽當按其所值與之市易始能經久無弊設或所給緞疋輕薄暗減其價致所得不償所售哈薩克貿易已非一日皆能悉其底衷口卽不言而心豈能允服卽違立法通市之本意其流弊且無所底止朕每以此慮懷該伊犁將軍不可不實力妥辦以裕永遠之規若聽其日趨日下而不知返朕一有所聞惟該將軍是問恐不能任其咎也又如朝鮮安南琉球日本南掌及東洋西洋諸國凡

沿邊沿海等省分夷商貿易之事皆所常有各該將軍督撫等並當體朕此意實心籌辦遇有交涉詞訟之事斷不可徇民人以抑外夷卽苗疆番境諸省亦當推廣此意妥行若仍視爲具文再有此等事件一經發覺或經朕訪聞及爲言官糾劾必將該將軍督撫重治其罪不能似此案之僅予議處也將軍督撫皆朕委任之人惟當體朕意毋怠毋違自可寓久安長治之計卽我世子孫敬體朕訓守而勿失億萬年無疆之慶詎不在是耶此旨著傳諭各將軍督撫一體遵錄並著入於交代令各後任永遠遵行勿稍玩忽並另錄一分交上書房俾皆恪循罔懈欽此

嘗又難曰孔攻異端孟距邪說二氏既興闢者尤力傳韓程朱觥觥遺則彼教橫流匪辯惡乎息曰摩西十誡本非犂軒善惡之倫演而爲耶穌爲保羅爲路得亦自成其爲外國之教而已史記太公作八神將一曰天主詞天齊元狩二年收休屠祭天金人如淳曰祭天爲主是天主之名起於中國流入匈奴又輾轉而至西域殆耶穌所託始也明季士大夫喜言西學好與海客遊而恥稱其教迨國初乃有李祖白蘇爾金之事楊光先憤激昌言遂抵祖白於法厥功偉矣今之傳教者既無利瑪竇湯若望之誦才而從教者亦無庫爾陳袁安臣之富貴本無所庸其辨也夫楊墨亂道禍中於師儒佛者妨政權達乎君相數百年後猶有尼翟並稱者有戎服聽講者有捨身持齋者辭而闕之宜也今之教堂果能感吾卿相師儒

乎彼癡癡者皆亡籍之游民耳嘗敬讀 世宗佛日諭旨而知同異之辨矣雍正五年四月八日諭內閣九卿等曰今日爲佛誕之期恰遇西洋國使臣上表稱賀兩事適然相值故於在廷諸臣奏事之暇偶將朕意宣諭爾等知之向來僧道家極口詆毀西洋教而西洋人又極詆佛老之非彼此互相訕謗指爲異端此等識見皆以同乎己者爲正道而以異乎己者爲異端非聖人之所謂異端也孔子曰攻乎異端斯害也已孔子豈以異乎己者概斥之爲異端乎凡中國外國所設之教用之不以其正而爲世道人心之害者皆異端也如西洋人崇尙天主夫天主以陰陽五行化生萬物故曰萬物本乎天此卽主宰也自古以來有不知敬天之人乎有不敬天之教乎如西洋教之敬天有何異乎若云天轉世化人身以救度世人似此荒誕之詞乃借天之名蠱惑狂愚率從其教耳此則西洋之異端也朕意西洋立教之初其人爲本國所敬信或者尊之如天儻謂立教之人居然自稱爲天主此理之所無者也釋氏原以清淨無爲爲本以明心見性爲功所以自修自全之道莫替於此若云必昧君臣之義忘父子之親棄置倫常同歸寂滅更有妄談禍福禍福凡庸藉口空門潛藏奸宄此佛教中之異端也儒者守先王之道讀聖賢之書凡厥庶民率爲坊表儻或以詩書爲弋取功名之具視科目爲廣通聲氣之途又或逞其流言邪說以動人之聽聞工爲黠詞淫曲以蕩人之心志此則儒中之異端也卽如巫醫二者雖聖人之所不棄然亦近於異

端而巫以祀神祇醫以療疾病皆不得不用者至村巫誘人爲非庸醫傷人之命此卽巫醫中之異端也安可因其異端有害於人而不用藥乎不獨此也卽一器一物皆以備用乃位置不得其宜或破損失其本體便成異端矣子疾病子路請禱子曰某之禱久矣蓋子路之禱異端也夫子之禱正道也同一事而其中之是非邪說分爲是者正者卽爲正道非者邪者卽爲異端故所論只在是非邪正之間而不在人已異同之迹也凡天下中外設教之意未有不以忠君孝親獎善懲惡戒淫戒殺明己性端人品爲本務者其初創設之人自然非尋常凡夫俗子必有可取方能令人久久奉行也至末學後人敷衍支離而生種種無理悖謬之說遂成異端矣與其教有何涉乎中國有中國之教西洋有西洋之教彼西洋之教不必行於中國亦如中國之教豈能行於西洋如蘇努之子烏爾陳等愚昧不法之輩背祖宗違朝廷甘願刑戮而不恤豈不怪乎西洋天主教身之說尤爲誕幻天主旣司令於冥冥之中又何必託體於人世若云奉天主之教者卽爲天主後身則服堯之服誦堯之言者皆堯之後身乎此則悖理謬妄之甚者也西洋人精於歷法國家用之且其國王慕義抒誠虔修職貢數十年來海洋甯謐其善亦不可泯蒙古之人尊信佛教惟言是從故欲約束蒙古則喇嘛之教亦不輕棄而不知者輒妄生疑議乃淺近狹小之見也總之天下之人存心不公見理不明每以同乎己者爲是以異乎己者爲非遂致互相譏誹幾同讐敵不

知人之品類不齊習尚亦不一不能強之使異亦不能強之使同且各有所長各有所短惟存其長而棄其短知其短而不昧其所長則彼此可以相安人人得遂其用方得聖帝賢王明通公溥之道而成太和之宇宙矣

客又難曰淚分玫瑰開彼國之殺機香溢芙蓉盜吾民之生氣憤昇真於亭午灑水騰紅慘歎霧於良辰魔煙閃碧狂氛四燭百物亡精而悲匹士一呼萬姓裂臂而視怨毒之於人甚矣夫豈法制所能禁口舌所能解乎曰我朝自順治中許荷蘭通商海國源源而來洋舶輻輳粵東垂二百年其時初無兵船領事之保護從不聞有華民仇視洋人之事卽今日高麗安南等國來者士大夫相與款洽情好無間惟其無相猜之跡故有相愛之情耳推原中西失驛本不越煙教二端康熙時講求天文算法仿鑄火器命南懷仁未嘗不師其所長洋使來京召見賜坐賜食藝術之士得與燕居侍從之班且時從皇子

諸王遊遇有訟獄斷尤極矜慎其於柔遠至矣獨烟教二事禁之甚嚴許洋人建天主堂惟禁華人入教雖寵任如湯若望南懷仁輩不少寬假蘇爾金之罪明降諭旨陳瑒祿之誅載在會典雍正以後禁鴉片尤重惟其處置得事理之平斯中外相安耳夫販煙傳教惟英法有之他國所無也英法徒恃其兵船火器挾持地方官思以壓制華民而不知民氣之不可遏抑也愈激則愈烈矣使中國之人於洋人聞

聲相逼兒童婦女皆有切齒之心在英法實有自取之道焉而華人不能辨別外國之種類遂舉泰西各國一例視之近年每遇英法兩國一有責言致沿海各口二十餘國之商民皆皇皇然憂禍變之不可測是不惟中國之殷憂抑亦泰西友邦通商全局之大害也英國設立普仁會所以厚民之生也鴉片固美歐耳仁者忍爲之乎印度頻年大祲英人傾國以賑之料口計食常虞不給正惟沃壤皆植罌粟耳儻能改樹五穀何至擁五千里之地一百五十三部之衆而嗷嗷仰食於人乎是鴉片者又英國之大蠹也同治時普法戰事教人實肇其端肇破崙爲教所誤國破身俘爲天下笑墨相安得拉譏法人甘爲教奴西班牙論法人視與國如仇讐力庇天主教居天下之惡名受其實禍美國論法國三次大亂死亡數百萬人皆由於教是洋教者又法國之蠹賊也西洋自禁民嗜煙東洋南洋亦有禁者英人不相強也基發大巨烏墨拉以鴉片殞年各國皆舉以爲戒英不能徧行其烟於萬國而獨加諸中國可乎泰西三教截然不同法之神甫不能行天主教於英俄猶之英之牧師俄之教長不能傳耶穌希臘之教於法也印度拒額力士教入境德國逐耶穌會男女三萬人葡萄牙籍教徒六千人財產入官西班牙以山外教人助登卡爲亂籍教黨五萬五千人之家義大利封天主教堂七十二所錄其產羅馬王遣教員駐瑞士國人歐而達之法人無如何也法不能徧行其教於萬國而獨施之中國可乎各口洋商供億教堂之費幾至數

百萬金因行烟傳教之故中外相猜各國皆駐兵船自衛費且千萬於外國庸有利乎且夫畢士麻克奉西之名相也功業震耀瀛寰實創禁教之令而荷文羅式令非斯贊之英相格爾斯頓亦著書力詆天主教名儒也嘗來中國謁孔林而歸主阿斯福書院講席廣譯五經四子之書教授其國人尤諄諄以販烟傳教爲非義秉彝之懿好中外有同情矣原英法之本意販烟以牟利也乃自烟稅列於條約而懋遷之局日衰傳教以和衆也乃自教堂徧於資區而仇殺之案日棘官師雖強顏爲周旋士民益搏膺而憤嫉且波及於不行烟不傳教之各國是亦不可以已乎誠欲中西之長久相安惟有集萬國公議之勸英不販烟法不傳教至於愛護洋商保固互市之責則中國自任之恪遵我祖宗成憲厚待遠人曲爲體貼多方保衛使有賓至如歸之樂其機器軍械輪舟及開采煤鐵凡可以致富強者皆中外合力爲之推至誠以相與示以廓然大公中國之士氣既平友邦之交情自洽各口洋商立罷教堂之費固已不貲若能漸減駐華兵船更可節無窮之糜費從此萬國和同天下一家矣洋人於權稅練兵造船製器開礦譯書諸務皆傾心相與無所隱祕康熙初荷蘭助平廈門同治初英法助平粵逆卽中外偶有違言輒有居間排解者斯巴爾克輪船被劫於珠江英商門地請索償於中國外部德爾祕力斥之中西友誼非不篤也乃以烟教扞格又時以兵力相惆喝遂至猜憤之隙日積而愈深亦可慨也我世宗敷教化王曰使臣達

來朕已加禮優待至於西洋寓居中國之人朕以萬物一體爲懷時教其謹飭安靜果能慎守法度行止無愆朕自推恩撫卹茲以使臣歸國特頒斯敕可以見 聖人轉載之量駕馭之權焉蓋其時待遠人者至優極渥其凜然不可踰者販烟與傳教而已

按如是篇所言則泰西諸教之於各西國亦多以囿於政教國俗而不克通行況中土爲 聖教涵濡之地乎今內地人民或深惡教堂而動遭毀壞於定制誠屬有違然必以少見多怪議之未免爲泰西諸邦所竊笑已

論交涉

李東沅

中國自與外洋立約通商以來濱海之區悉開口岸上自官商教士下自兵役匠工紛至沓來履迹幾徧而傳教則許入內地游覽則給與護符無論微員商賈與有司接見悉禮若嘉賓無或簡慢竊謂中國之待洋人已如是其忠且敬矣雖有時變生意外釁起無端半由於教堂恃勢欺人小民積忿既深羣思報復然一經稟訴查辦維嚴則中國之於洋人誠無所負也若洋人能返己自思謙以持躬恕以接物中外一體開誠布公不存欺藐之心悉泯彼此之見我華人有不休戚相關愛患與共哉乃近日目見耳聞凡洋人之到中華每以言語不通律法不同尊己抑人任情蔑理藉端滋事恫喝要求以致交涉之案層見

疊出而中國顧全大局戒開邊釁遇事則官長過於遷就士民不敢抗衡洋人習以爲常愈無顧忌如輪船於河道港口駛行無忌恒與華船相撞小則船具毀壞大則人貨俱沉被控到官仍復強詞申辨或咎華人不知趨避或誣華船桅燈不明改重從輕苟且結案而華人之身家性命盡付東流負屈含冤無可據訴又如往來孔道馬車馳驟行人偶不及防無論蹂踐死傷竟策馬揚鞭不顧而去倘旁人阻止與之理論反謂車來當讓大肆咆哮即使扭赴公堂亦僅以薄罰完結又如洋行所僱華人每月工金多寡固有定約給發亦有常期而往往借釐生端多方扣減少不稱意即行毆逐甚至持槍恐嚇偶一失檢釀成命案及事經官府又復委曲調停僅援誤傷之條予以薄罰而尤爲慘酷者則莫如粵省奸匪與洋人串通散布四方拐誘鄉愚販賣外洋永爲奴僕聞古巴祕魯亞灣拿等處歲中所陷華人以千萬計其殘忍刻薄既大傷天地之和其暗瞞明欺復顯背中西之約惜路隔重洋無人查辦莫爲發其覆而斥其奸耳至於貿易一途華人之帳則必須控官追索家產封墳甚且擾及鄉鄰押其同族而洋人若有折閱雖饒私蓄亦不過循例報窮將家具拍賣攤派而已且外國於中國進口之貨稅從其重而洋貨之進口稅欲其輕又華人到其國貿易須照例納款按名報繳歲有常規而洋人在中國經商並無此費試將中外接待情形稍加比較更有雲泥之隔豈徒厚薄之分是洋人先自薄待乎華人又何怪華人之歧視

乎洋人也夫河港中禁輪船飛駛街道中禁馬車馳驟無事則禁攜軍器用人則禁扣工資而販人出洋尤干例禁泰西各有律法按籍可稽倘華人理直氣壯援萬國公法反覆辨爭堅持不撓彼雖狡獪亦當無可措詞惟查中西立約之時以中國法重西國法輕判然各異故議交涉之案如華人犯罪歸華官以華法治之洋人犯罪歸洋官以洋法治之顧有時華洋同犯命案華人則必議抵償並施撫卹無能免者至洋人則從無論抵僅議罰鍰若過持公論爭執條約而洋官反暗中迴護縱遣回國究詰無從非特輕法未加抑且無法以治此尤事之不平者故中國好言勢者專事羈縻而於國計民生未暇兼顧雖不至於開釁然習於疲憊不知振作如患瘵疾妄用補劑而此身漸弱矣好言理者激於忠義專主攘夷而於彼此情形未能統籌措置失宜每至決裂如患瘍毒常施攻伐而元氣日衰矣方今辦理洋務雖不越理勢二端然當權其輕重度其緩急如勢足固不能以違理即勢不及尤當折之以理彼有所請可許者則應之勿事因循不可許者則拒之更宜直捷倘依違莫決聚訟紛紜致洋人引爲口實多方恫喝反覆要求而結案或議罰賠或開商埠使後之辦理者更靡所適從矣考西國構訟兩造俱延狀師赴質審或不公狀師可辨其是非駁其枉直必須水落石出疑竇毫無間官始克定讞竊謂中國此時亦須參仿辦理倘有通西律嫻清例其人品學問素爲中西所佩服者大吏得保奏於朝給以崇銜優其俸祿派往總

理衙門及南北洋大臣處差遣其律法參用中西與洋官互商務臻妥善如猶以爲不合卽專用洋法以治之以洋法治洋人使之無可規避以洋法治華人罪亦同就於輕庶幾一律持平無分畛域遇有交涉事務秉公審斷按律施行每年終將各案如何起釁如何訊問定讞刪繁就簡勒爲成書以備各國公覽兼資華人攷證則是非枉直開卷了然詭詐欺凌奸謀莫逞既不失請信修睦之誼亦可見準情酌理之施海隅蒼生并蒙其福然而不祇此也古今來良臣謀國必深悉天下之全勢各國之人材敵情之險詐知己知彼乃能安內攘外遠交近攻今中國時事日艱強鄰日逼隨則病國激則興戎而敵勢洋情尙多未諳大小臣工意見又往往不同以致辦理交涉事宜動多窒礙猶豫徬徨莫衷一是至於軍機大臣及南北洋大臣尤貴洞悉各國情形思深慮遠非先充出使大臣之任亦必須久辦總理衙門事務者乃能勝任裕如事無膠固否則高談氣節恥洋務爲不經臨事張皇息兵端而無術鄙人實抱杞憂矣

小國換約中西紀事

咸豐八年夏六月天津撫議成 上命欽差大臣大學士桂良吏部尙書花沙納等至滬飭將各口通商稅則事宜與英法國等來使商定八月桂相等至滬凡兩月始定於是四國以換約請相國令其將所定條約齎回本國請給國書前赴天津呈遞約以明年之夏四國唯唯是時大西洋有向來在滬通商之各